

Kerjasama JKNS-UMS terus diperkukuh

Untuk mencapai sasaran 40 peratus vaksinasi menjelang September ini

UB 23.07.2021 P. 2

KOTA KINARALU: Jabatan Kesihatan Negeri Sabah (JKNS) akan terus mengadakan hubungan kerjasama erat dengan Universiti Malaysia Sabah bagi membantu usaha memastikan sekurang-kurangnya 40 peratus populasi rakyat Sabah mendapat vaksinasi menjelang bulan September ini.

Perkara tersebut dinyatakan Pengarah Kesihatan Negeri Sabah, Dr Rose Nani Mudin, dalam satu lawatan beliau ke Pusat Pemberian Vaksin (PPV) Institut Pengajian Tinggi (IPT) UMS baru-baru ini.

Menurut beliau, PPV IPT UMS mempunyai ketupayaan memvaksinasi dengan jumlah besar dalam sehari, namun seperti PPV lain yang dilawatnya, beliau menyarankan agar perlu sedikit perubahan dilakukan agar PPV mampu memvaksinasi seramai mungkin dan secepat mungkin.

"Pada ketika ini kita hanya mencapai 13 peratus rakyat Sabah telah divaksinasi, justeru kita akan melakukan sedikit perubahan terhadap proses perjalanan bagi PPV yang ada di Sabah agar lebih efisien dan dapat meningkatkan lagi jumlah pemberian vaksin sehari.

"Untuk itu, JKNS mewujudkan satu pasukan bersama ketua-ketua di setiap PPV sama ada dari swam, swasta mahupun universiti untuk tujuan tersebut," katanya.

Menurut Dr. Rose, perubahan yang bakal dilaksanakan lebih merangkumi aspek teknikal dan proses perjalanan PPV tersebut.

"Sebagai contoh kita akan permudahkan dari segi pendaftaran penerima vaksin sewaktu di PPV agar tidak perlu melalui banyak lapisan.

"Kita akan melakukan pendigitalan bagi menjimatkan masa, contohnya dengan hanya mengimbas QR Code dan tidak perlu membuat pendaftaran secara manual dalam proses menerima vaksin," katanya.

Dr. Rose berkata, melalui kerjasama JKNS dan pihak swasta, universiti dan industri juga, beliau yakin sasaran 40 peratus penduduk di Sabah mendapat vaksinasi menjelang September ini mampu dicapai.

Hadir sama mengiringi lawatan Dr. Rose ke PPV tersebut Naib Canselor UMS, Prof. Datuk ChM. Ts. Dr. Taufiq Yap Yun Hin; Pendaftar UMS, Luqman Ridha Awwari; dan Pengarah Hospital UMS, Prof. Dr. Helen Benedict Lasimbang.

TAKLIMAT: Salah seorang petugas PPV IPT UMS menerangkan proses pendaftaran kepada Dr. Rose sempena lawatan itu.



LAWATAN: Dr. Taufiq mengiringi lawatan Pengarah Kesihatan Negeri Sabah, Dr Rose Nani Mudin ke PPV IPT UMS.

